



**Aningaasaqarnermut Nunamullu
Namminermt Naalackersuisoq
/MAANI**

Ulloq: 28. juni 2013
J.nr.: 01.31.06/13-00627

**Aningaasaqarnermut Akileraartarnermullu Ataatsimiititaliap pingasunngornermi
ulloq 26. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/10-00627)**

**Inatsisilerinermik suliaqarnerup pitsanngorsarneqarnissaanut ilassutitut
aningaassaliissuteqartoqarnissaanik qinnuteqaat**

Naalackersuisut **inassutigaaat**,

kontumut pingaarnermut 30.01.01-imut, Ilaqutariinnermut Inatsisinillu Atuutitsinermut Naalackersuisoqarfik, tunngatillugu missingersuutitut ilanngussami immikkoortoq 8 peerneqassasoq imalu taarserneqarluni: "Naalackersuisoqarfiup naalackersuisoqarfittut suliaqat danskit Inatsisinermit Atortitsinermut Ministereqarfianut attuumassutillit, kiisalu Eqqartuussiveqarneq pillugu Ataatsimiititaliarisuuq isumaliutissiissutaani inassuteqaatit atuutilersinniarlugit sulineq isumagisarai."

kontumi pingaarnermi 30.01.01-imi, Ilaqutariinnermut Inatsisinillu Atuutitsinermut Naalackersuisoqarfik, aningaasaliissutit 2013-imi 0,3 mio. kr-inik ukiunilu missingersuusiorfiusuni 1,0 mio. kr-inik qaffanneqassasut. Aningaasat taakku inatsisilerituumik aamma AC-fuldmægtigimik, inatsisilerinermi suliaqarnerup naalackersuisoqarfiup pingaartillugit suliaritinniagaanik suliaqartussanik atorfinitsitsinermut atorineqassapput.

kontumi pingaarnermi 20.11.50-imi, Ingerlatsinermut sillimmatit, aningaasaliissutit inatsisilerinermi suliaqarnerup ingerlatsinermut aningaasartuutissat amerlaqataannik ikilisinnerisigut matussusiinissaq qinnutigineqarpoq."

Taamaalilluni Naalackersuisut Siulittaasuata aalajangiinera Aningaasaqarnermut Akileraartarnermullu Ataatsimiititaliamut suliaqarnerup nassiunneqarpoq..

Aningaasaqarnermut Ataatsimiititaliap oqaaseqaatai

Kontumi pingaarnermi 30.01.01-imi, Ilaqutariinnermut Inatsisinillu Atuutitsinermut Naalackersuisoqarfimmittut tunngasumi aningaasaliissutit 2013-imi 300.000 kr.-inik amerliserisigut inatsisilerinermik suliaqarnerup pitsanngorsarneqarnissaa Naalackersuisut kissaatigaat.

Naalackersuisut isummernissaannut tunngavissiaaqqartup iluarsineqarnissaa pisariaqartutut Aningaasaqarnermut Nunamullu Namminermt Naalackersuisup isigisimavaa, tassani oqaatigineqarluni qinnuteqaat IST-mut pitsaanngitsumik sunniuteqassasoq. Qinnuteqaat IST-p inerneranut ukioq manna sunniuteqassanngitsaq taamaallaalli ukiunut missingersuusiorfiusunut sunniuteqassasoq, tamannalu 2014-imut aningaasanut inatsisissatut siunnersuummut ilanngunneqareersoq Aningaasaqarnermut Naalackersuisoq paasissutissiivoq. Aammattaaq kontumut pingaarnermut 20.11.50-imut,

Ingerlatsinermut sillimmatinut tunngasumut missingersuutitut ilanngussa
ilanngunneqarpoq, taanna Naalackersuisut isummernissaannut tunngavissiaaqqartumi
ilanngunneqarsimanani.

Amigaatit pingaarutillit taakku paasineqarmata aammalu Aningaasaqarnermut
Ataatsimiititaliamut inaarutaasumik nassiussinnginnermi iluarsineqarmata ataatsimiititaliap
toqqissisimanartutut isigaa. Taamaattorli Naalackersuisut iluminni tusarniaaneran
isummernissamat tunngavissiap Naalackersuisut ataatsimiinnissaannut
ilanngunneqannginnerani pisimassasutut naatsorsuutigineqartumut atatillugu tamanna
iluarsineqarsimanngimmat akuerineqarsinnaanngilluinnarpoq. Taamaattumik
Aningaasaqarnermut Nunamullu Namminermit Naalackersuisoqarfiup tusarniaanermut
akissutaa ataatsimiititaliap qinnutigaa.

Missingersuusiortarnermut inatsimmi § 28, imm. 3 naapertorlugu atugassiinerit ukiumi
aningaasanut inatsiseqarfiusumi sunniuteqartussat kisimik qinnuteqaatinut
ilaatinneqartariaqarput. Taamaattumik ukiumi missingersuusiortarfiusuni aningaasaliissutitigut
sunniutissat Aningaasaqarnermut Ataatsimiititaliamit isummerfigineqanngillat,
tamatumunnga taarsiullugu 2014-imut aningaasanut inatsisissatut siunnersuummut
Naalackersuisunit ilanngunneqassallutik.

Kontomi pingaarnermi 30.01.01-imi, Ilaqutariinnermut Inatsisinillu Atuutsitsinermit
Naalackersuisoqarfimmut tunngasumi aningaasaliissutit amerlineqarnissaannik
kissaateqarneq pillugu Naalackersuisut qinnuteqaataat Aningaasaqarnermut
Ataatsimiititaliamit sukumiisumik isumaliutigineqarpoq.

Kontomit pingaarnermit 20.11.50-imit, Ingerlatsinermit sillimmatinut tunngasumit
aningaasalersuinissaq pillugu Naalackersuisut inassuteqaataat Aningaasaqarnermut
Ataatsimiititaliamit tunngaviusumik isigalugu akuerineqarsinnaanngilaq. Aningaasalersuineq
ataatsimiititaliamit akuerineqarsinnaanngimmat suliniummullu kissaatigineqartumut
aningaasartuutit kisimik akuerineqarpata tamanna Naalackersuisunit
naapertuutissanngilaq, taamaattoqassappammi Naalackersuisut
naatsorsuutigeriinngisaannik tamanna IST-p inerneranut aningaasaqarnikkut
pitsaanngitsumik sunniuteqassammat. Qinnuteqaammik nutaamik ukiumi aningaasaanut
inatsiseqarfiusumi matumani nuussinissanik taamaallaat ilaqarsinnaasumik
nassiussinissartik Naalackersuisut kissaatigigunikku Naalackersuisut namminneq
sinaakkutissami iluanni aningaasalersuisoqarnissaa imaluunniit Naalackersuisoqarfiit
allat suliassaqarfiinut ataqatigiissaarneqarnissaa Naalackersuisut siunnersuutigissagaat
ataatsimiititaliap kaammattuutigaa. Aningaasat amerlassusiat eqqarsaatigalugu tamanna
periarfissaqassaaq.

Naalackersuisut qinnuteqaammik nutaamik nassitsissappata allaffissornikkut
aningaasartuutit amerlineqarnissaannik kissaammut, tassunga ilanngullugu Kalaallit
Nunaanni inatsisilerinermit suliaqarnermut danskit akisussaaffigisaannut tamanna qanoq
ililluni nukittorsaataasinnaanersoq kiisalu Kalaallit Nunaanni inatsisilerinermit suliaqarnermi
allaffissornikkut amigaatit sorliit qinnuteqaatikkut pitsanngorsarniarneqarnersut
pillugu sukumiisumik nassuiaat ataatsimiititaliap qinnutigissavaa.

Aningaasaqarnermut Ataatsimiititaliap aalajangiinera

Siuliani allassimasutut paasinnillutik Naalakkersuisut inassuteqaataat Aningaasaqarnermut Ataatsimiititaliap **akuerisinnaangilai**.

Aningaasaqarnermut Nunamullu Namminermut Naalakkersuisoqarfiup tusarniaanermut akissutaata kalaallisut danskisullu kingusinnerpaamik ulloq 31. juli 2013 tiguneqarnissaa ataatsimiititaliamit naatsorsuutigineqarpoq qinnutigineqarlunilu assilineqarnera qarasaasiakkut uunga nassiunneqassasoq: julie@inatsisartut.gl.

Ataatsimiititaliaq sinnerlugu

Finn Karlsen
Ataatsimiititaliap siulittaasua